

Programa 1.381.

Mba'eporã Ra'arõvo.

Pág. 1.

Jajuavy ojuehegui.

Maitei:

Ha péicha nde che angirũ, ko'arape jahechami jeýtga Éxodo kuatione'ẽ, ha jahecháta kap. 8:16-32-pe he'iva, ha jahecháta tuichaiterei ojuavyha ojuehegui upe ojerovia añetetéva Tupã rehe ha upe ojerovia'ỹva. Jahechami aipórõ Éxodo kuatione'ẽ kap. 8: 16-32-pe he'iva, ha péicha he'i... 16) Ñandejára he'i Moiséspe: Ere Aarónpe toinupã yvyra ipopeguápe pe yvy timbo ha oikóta chugui ky ovevéva opárupi Egiptopy rehe. 17) Upéicha ojapo hikuái: Aarón oinupã yvyra ipopeguápe yvy timbo ha oiko chugui ky oisu'uva yvypóra ha mymbakuérape. Opárupi Egiptopy rehe oiko yvy timbógui ky. 18) Paje apohakuéra ojapose mo'ã avei upéichaa ha nosẽi chupekuéra. Ha umi ky oisu'u yvypóra ha mymbakuérape. 19) Umi paje apoha he'i Faraónpe: Tupã oiporu hína ko'ape ipyapy mbarete. Faraón katu ndoikuaaséi mba'eve ha oñembopy'a hatã jey, he'i haguéicha Ñandejára 20) Ñandejára he'i Moiséspe: Epu'ã ko'ẽ mboyve, tereho Faraón rendápe ohokuévo y rembe'ype ha ere chupe: He'ika ndéve Tupã Ñandejára: Epoi che retã guágui, toho che momba'eguasú. 21) Nderepoiséiramo, amyanyhẽta neretã mberúgui ojepoítava nerembiguái, neretãgua ha nde rógaygua ári. Egiptogua róga ha ijyvy henyhẽta mberúgui. 22) Gosénpe katu, oĩháme che retãgua, ndaipóri mo'ãi mberu, reikuaa haguã che, opa mba'e Jára, aĩha ko tetãme. 23) Nambojoja mo'ãi che retãygua neretãgua rehe. Kóva ojuhúta ko'ẽramo. 24) Upéicha ojapo Ñandejára ha heta eterei mberu ojepoi Faraón, hembiguái ha Egiptogua ári, oikepa hógakuérape opa rupi Egiptopy rehe. Mberueta ombyaipaite upe tetã. 25) Upémaramo Faraón ohenói Moisés ha Aarónpe ha he'i chupekuéra: Tapeho pemomba'eguasú peneTupãme. Anínte pesẽ Egíptogui. 26) Moisés he'i chupe: Upéva ndaikatúi. Kuave'ẽmby roikuave'ẽva Tupã ore Járape ombopochýta Egipto guápe ha ore jukáta itápe. 27) Rohóta yvy ojeiko'ỹháme mbohapy ára pukukue ha upépe roikuave'ẽta kuave'ẽmby Tupã ore Járape. Ha'e he'i haguéicha rojapóta. 28) Faraón he'i Moiséspe: Ahejáta peho pemba'e ikuave'ẽvo Tupã pende Járape, anínteke peho mombyry eterei. Peñembo'e che rehe. 29) Moisés he'i chupe: Asẽ vove añembo'eta che Járape ha ko'ẽramo mberukuéra ojeíta nde hegui, nerembiguái ha neretãguágui. Anive ore mbotavy ha ore joko rosẽvo roikuave'ẽ kuave'ẽmby ore Járape. 30) Moisés osẽ Faraón rógagui ha oñembo'e Ñandejárape. 31) Ñandejára ojapo Moisés ojeruréva ha oipe'apa umi mberu Faraón, hembiguái ha hetã guágui. 32) Faraón katu oñembopy'a hatã jey ha ndopoíri Israel ñemoñarégui.

(Sigue en la pág. 2)

Heta ñande rapicha oĩ ojeroviaséva upe Tupã añeteguáva rehe ha oikuaase mba'eichapa oikuaáta mávapa ha'e upe Tupã añetegua, ha heta péichagua tapicha ojuhuse umi religion oĩva rupive ha upépe hína ndoikuaavéiva mba'epa upe ogueroviátava hetaitereígui oĩ religión ha religióso ko yvy ári. Ha añetehápe heta religión ha religióso oĩ, ha jaikuaa, religión oĩva guive tuichaiterei ojuavyha ojehegui. / Egiptoygua umi paje apoha, ojavovaekue avei ýgui tuguy, mboi ha ju'i Moises ojapo haguéicha, ha ko'aga katu, ndaikatuvéima ojapo mba'eve, ojapose mo'ã avei yvytimbógui ky, ha nosëvéima chupekuéra. Hikuái ohechakuaa, ha'ekuéra ndojapo kuaáiha ha ndojapo kuaa mo'áiha, péicha mba'e oĩgui amogotyoteve ha'ekuéra ikatúvagai, ha he'i avei: umícha mba'e Tupã Ñandejára rembiapoha. Ha péicha mba'epe jahecháma ojuavu tuichaitereiha ojuhegui, umi Egiptogua ogueroviáva ha Moises ha Aaron ogueroviáva, umi paje apoha oguereko irreligión, oguereko mba'epa ogueroviáva, oguereko mba'epa omomba'eguasúva, ha umi hikuái oguerovia ha omomba'eguasúva ndaha'ei upe Tupã Ñandejára añeteguáva, ndaha'ei yvy ha yvága jára, ndaha'ei ñande rekove jára ha ikatúva ojapo ojauposéva. / Ha añetehápe, ñande yvypóra ningo hetamba'e ikatu jajapo, ha upe ikatumihapevénte ikatu jajapo, upe ñande ikatúvagai amogoyove, ndaikatuvéima, ha Tupã Ñandejára oguerekóva py'akapa katu ningo, ikatu ojapo ojauposetéva, ha naipóri mba'eve ni avave ikatuvaráva ojoko chupe.

Tupã Ñandejára he'i mburuvhcha guasu faraónpe, omboykétaha umi Israel ñemoñaregui ani haguã mberukuéra oho upe Gosen yvyýpe, upe hikuái oikohápe. Péicha Tupã Ñandejára ete avei ohechauka, umi hese ojeroviáva ndaha'eiha umi ojerovia'ýva reheguaite, tuichaiterei ojejavý ojehegui Ñandejára resa renondépe. Ha añetete ningo upéicha, ko ñande árape ojehechakuaa porã avei umi añetete ha ipy'aite guive omoíva ijerovia Hesukristo rehe, ha umi he'inteva ojeroviaha, Hesukristo rehe ojerovia añetetévape guarã, Hesukristo hína upe mba'eguasuvéva opaite mba'egui, ha hese añoiténte avei ojerovia perdón ha salvacion ohypytyha.

(Sigue en la pag. 3)

Tupã Ñandejára ningo, oipota upe Egipto ruvichaguasu toikuaa ha toguerovia upe Tupã añeteguávape, oipota umi Egiptoygua toikuaa chupe upe Tupã añeteguávaramo, ha oipota ohechakuaa hikuái, upe tupãramo ojegueroviáva Egipto retãme ndaha'eiha upe Tupã añeteguáva. / Tupã ojapo hína umi mba'e techaramombýva, umi milagro ja'eha, ha avei, Tupã oikuaauka Egiptoyguápe, ha'e oñangerekoha umi hetãyguá rehe, chupekuéra ndohypytyi umi mba'evaieta ojuhúva Egiptoguápe. Péicha Tupã Ñandejára ohechauka, ha'e ndaha'eiha mombyry eterei amo yvága mboypyryrupi oíva, ha'e oí ñande yvypóra ndive, ha oñangareko hese ojeroviáva rehe. / Tupã Ñandejára añetete ha'e Tupã yvágape, ha avei ko yvy ári. / Faraon he'i jeýma, opoítaha Israel ñemoñarégui oho haguã omomba'eguasú Tupã Ñandejárape. Faraon ha Egiptoygua ojejopyvai eterei, ohechávo mba'eichapa mberu hetaiterei, omonguy'a ha ombyaipa opamba'e, ha meru raso oñuãmba Egipto retãpy. Ha péva rehe Faraon ohenoika Moises ha Aaronpe, ha he'i chupekuéra oñembo'emi haguã hese, ha ojepe'a haguã mberuita hetãpýgui, ha opoítaha Israel ñemoñaregui. Ha jahecha háicha, mberuita ojeipávo hetãpýgui, Faraon he'iha jey, ndopoi mo'ãiha chuguikuéra. Ha Faraonchagua tapicha ningo heta jaguereko ñande apytépe, jajejopyvai jave jajapo promesa Ñandejárape, ha upéi ndajajejopy vaivéivove ñande resarái promesa jajapovaekuégui. Ha péicha mba'epe hína tuicha ojuavýva ojuehegui ojerovia añetetéva ha ojerovia gua'u reínteva. /

Ha péicha hína nde che angirũ, religiõn oíva guive ndaha'ei ojuehegua, Tupã Ñandejára añeteguá ndaha'ei oimeraéva re'i he'iva ogueroviaha rehegua, ñande yvypóra jajuavy ojuehegui, ha Tupã Ñandejárape guarã avei, ñande yvypóra ndaha'ei ojueheguapa guasu, Tupã Ñandejára ñande rayhúgui oipotáramo jepe tajaikuaa chupe ha tajajerovia hese, ha'e oikuaa mávapa upe añetete ojeroviáva hese, ha oikuaa upe gua'u gua'unte he'iva ojeroviáha. / Ha tuichaiterei avei ojuavy ojuehegui pu'aka terã poder ñande yvypóra jaguerekóva, upe Tupã Ñandejára oguerekóvagai. / Ha Tupã Ñandejára omoí ñande yvypórape peteĩ pu'akapa, peteĩ poder año jahupyty haguã perdón ha salvación, ha péva ha'e Ñandejára Hesukrístó, hese año jajeroviávarã ha jahechakuaáta Ñandejára Hesukrístóichagua naipóriha ambue. Ha Tupã Ñandejára eterei ñande rayhúva, tanemoirũ ha tande rovasa.

(Final del programa 1.381)

V